

CONCELLO DE CERDEDO COTOBADE  
Lugar LUGAR A CHAN - CARBALLEDO Nº: 11  
Pontevedra (Pontevedra) 36856

<b>EXPEDIENTE: 2022031734</b>	
<b>CONCELLO: Cerdedo - Cotobade</b>	
<b>ESTRADA: 7102   SERRAPIO - A PORTELA</b>	<b>P.Q.: 4+115 M.E.</b>
<b>TIPO OBRA: Obras Xerais</b>	

## AUTORIZACIÓN

O Servizo de Infraestruturas e Vías Provinciais informa de que se autoriza o solicitado, de acordo coas seguintes condicións:

1. Autorízase

**Execución do proxecto de "Humanización e mellora das infraestruturas no núcleo de Os Castros". O autorizado deberá cumprir a normativa vixente en materia de sinalización horizontal e vertical (normas 8.1.-I.C., 8.2.-I.C. e 8.3.-I.C.), incluíndo a colocación da preceptiva sinal horizontal e vertical de STOP previo ó entronque co vial provincial. Deberá procederse á adecuada condución das augas pluviais do vial municipal, evitando que as augas de escorrega do mesmo vertan sobre o vial provincial.**

**O recrecido das arquetas e dos pozos de rexistro realizarase fora da calzada. Os tubos de pluviais do vial municipal e os tubos de saneamento deberán colocarse a unha profundidade mínima de 1 metro.**

**Darásele continuidade á beirarrúa actual na zona do sobreancho existente na intersección do camiño municipal coa estrada EP-7103, sen invadir a beiravía da estrada provincial, facilitando así o tránsito peonil e mellorando a seguridade viaria.**

2. Esta autorización entenderase outorgada en precario na parte que afecte a zona de dominio público. As autorizacións para realizar obras, instalacións ou actividades na zona de dominio público poderán revogarse unilateralmente polo órgano que as outorgase en calquera momento por razóns de interese público, sen xerar dereito a indemnización, cando sexa necesario por motivo de calquera obra que fose realizar na estrada a Administración titular desta. A persoa solicitante quedará obrigada a retirar pola súa conta os elementos instalados. As autorizacións para realizar obras, instalacións ou actividades na zona de dominio público exclúen aboarlle á persoa interesada calquera indemnización por razón dos danos e das perdas ocasionados pola explotación e polo uso da estrada, incluídos os causados polo tráfico ou por calquera obra realizada na estrada pola Administración titular desta, incluídas as de conservación. Nese caso, a reposición das obras e dos elementos amparados pola autorización será por conta da persoa interesada.

3. A ou o titular da autorización responsabilizase das operacións de conservación e mantemento requiridas pola obra, actuación ou instalación obxecto da autorización e que sexan necesarias para garantir a salubridade, a accesibilidade, a seguridade e a funcionalidade menoscabadas como consecuencia do seu uso.



4. Non poderán verterse á calzada, ás beiravías, aos foxos, aos desmontes ou aos terrapléns da estrada as augas das choivas ou calquera outro produto ou material procedente da construción autorizada. Tampouco se poderá deixar maquinaria nin almacenar ningunha clase de materiais nos terreos comprendidos na zona de dominio público da estrada.
5. En todo momento o pavimento da estrada manterase limpo de barro, terra e materiais estraños. O terreo situado entre a obra e a estrada tamén deberá estar en correctas condicións de conservación e limpeza durante a obra; ao rematala, retiraranse todos os materiais sobrantes e os cascallos.
6. Adoptaranse as medidas oportunas para garantir, en todo momento, o libre curso das augas pola cuneta e polos elementos de drenaxe da estrada; así mesmo, construíranse os pasos provisionais necesarios para manter en perfectas condicións de funcionamento os elementos mencionados. Todas as obras auxiliares precisas para cumprir esta condición deberán demolerse unha vez finalizadas.
7. Durante a execución das obras tomaranse as precaucións necesarias para garantir a seguridade da circulación, para o que se colocará a sinalización e o balizamento regulamentados na Instrución 8.3-IC sobre sinalización, balizamento, defensa, limpeza e terminación de obras fixas fóra de poboado (BOE núm. 224, de 18 de setembro de 1987). Calquera alteración ou corte de tráfico deberán autorizalo este organismo e a autoridade competente en xestión do tráfico (xefaturas provinciais de tráfico ou concellos, segundo o caso).
8. As obras executaranse baixo a inspección e a vixilancia do persoal deste servizo, que lle poderá esixir a presentación deste documento.
9. O prazo para realizar as obras non poderá exceder dun (1) ano desde a data da concesión desta autorización. Transcorrido o citado prazo sen finalizar a obra, a autorización entenderase caducada e perderanse os dereitos adquiridos.
10. Serán por conta da ou do petionario todos os gastos de reparación dos danos e das perdas que, como consecuencia das obras autorizadas, se poidan producir na zona de dominio público da estrada e dos seus terreos anexos, na zona de influencia, a terceiras persoas ou na súa propia actividade.
11. Esta autorización outórgase deixando a salvo o dereito de propiedade e sen prexuízo de terceiras persoas.
12. De incumprirse calquera das condicións mencionadas, anularase esta autorización e incoarase o correspondente expediente sancionador.
13. O outorgamento desta autorización non exime a ou o petionario de obter as licenzas e os permisos regulamentarios correspondentes.

**De acordo co disposto na Lei 8/2013, de 28 de xuño, de estradas de Galicia e no seu desenvolvemento regulamentario, e co informe emitido polo Servizo de Infraestruturas e Vías Provinciais procede a autorización nas condicións impostas.**

*Contra esta resolución que lle pon fin á vía administrativa poderá interpoñerse:*

*Un recurso potestativo de reposición ante o mesmo órgano que a ditase, no prazo dun (1) mes, contado a partir do día seguinte ao da recepción desta notificación (artigos 112 e 124 da Lei 39/2015, de 1 de outubro, do procedemento administrativo común das administracións públicas), ou ben directamente un recurso contencioso-administrativo ante o Xulgado do Contencioso-Administrativo de Pontevedra, no prazo de dous (2) meses, contados a partir do día seguinte ao de recepción desta resolución (artigos 8 e 46 da Lei 29/1998, de 13 de xullo, reguladora da xurisdición contencioso-administrativa).*

*Todo iso sen prexuízo da posibilidade de interpoñerse o recurso que se estime procedente.*

